

## Der Weech doo iss ohne Zweifel richdisch

Also frieher, doo hotts emol was gewwe, doodriwwer hott merr gesaat, dess iss de gesunde Menscheverstand. Doodrunner hott merr verstonne, dass merr nit alles glaawe dut was merr so heert unn was oom so erzählt werdd, naa, merr hotts geheert, hott sich soi eichene Gedonke driwwer gemacht, hott villeicht noch ooner gefroocht unn hotts dann geglaabt odder aach nit. Unn wennis was ze entscheide gewwe hott, doo hott merr aach nit gemacht was de Erste Beste oom weismache wollt.

Heit glaabt merr alles! Ich waaß nit woos herkimmt, awwer ich kann merrs denke: Es werdd nit mehr gezweifelt. Jeder der was sächt im Fernseh der benimmt sich, als ob dess wasser sächt so richdisch wär, dass kooner mehr was degeeche saache kann Unn wenn ooner was degeeche sächt, bei sooner Babbelrund, der sächt dess aach widder so, als ob dess wasser sächt so richdisch wär, dass kooner mehr was degeeche saache kann. Doo iss koo unn kooner debei, der emol noochdenklich werdd unn villeicht saache dut: Doo kennte Se recht hawwe, ei doo habb ich joo noch garnit droo gedenkt, dess muss ich merr wirklich noch emol iwwerleeche. Naa, doo heeßts: Moin Weech doo iss ohne Zweifel richdisch!

Unn warum werdd nimmi gezweifelt? Weil nor, so heeßts iwwerall, enn schwache Mensch zweifele dut unn so ooner will merr nit im Fernseh hawwe unn kooner will den sehe: Siecher will merr seh unn koo Schlappschwänz!

Unn weil jeder alles glaabt, dann gibt's so Sache, iwwer die merr je noochdem lache odder flenne kennt. Doo denk ich de erst emol onn die Kronkheide. Doo kann ooner so alt soi wie er will, wanner was hott, egal was, dann muss irchendwo enn Dokter soi, der dess eweckmache kann. Unn wanner bei oom war ders nit eweckmache konnt, donn giehder halt zu emm onnern unn noch zu emm onnern unn noch ... Unn dasserr omm End ooner find ders emm eweckmächt, doodroo hotter iwwerhaupt koon Zweifel. Odder mett de Audos. Doo werrn alsfort große Audos gebaut, mett vill PS unn vill Benzindorscht, unn dasses doodemett bis in alle Ewigkeit so weider gieht, bei Öl unn Kerosin im Iwwerfluss zu gude Preise, doodroo zweifelt von dene Bosse kooner: Es ist nur eine Delle, die müssen wir im Sessel und unsere Arbeiter zu Hause aussitzen, und bis dahin nehmen wir erst einmal das große Geld vom letzten Jahr, das haben wir uns ja verdient. Unn sie nemmes, ohne Zweifel.

Awwer ess sinn joo nit nor die Große. Aach die Kloone zweifele nimmi, wennis um die Technik gieht. Ess beste Beispill doodeferr iss de Navi im Audo. Getreu dem Glaawe was die Fraa im Navi sächt dess iss richdisch, fahrn monche drufflos. Unn dann kumme so Sache eraus wie letzt Woch – dess Bild hawwe merr all im Blättche geseh –, dass e Fraa ihm Navi mehr getraut hott als ihm gesunde Menscheverstand unn iss in die Radfahrer- unn Fußgänger-Unnerführung omm Weilbacher Weech enoigefahrn, weils gedenkt hott: Moin Weech doo iss ohne Zweifel richdisch, die Stimm im Kasse hotts joo gesaat – unn dann iss die Fraa kaum noch aus dem unnerirdische Schlauch erauskumme.

Doodriwwer habb ich noochgedenkt, als ich onn Allerheiliche uff de neie Kerchhof gefahrn bin, unn doodroo, dass merr irchendwonn uff dem Weech dorthie koon Navi mehr brauche dut. Unn doodroo gibts wirklich koon Zweifel.

Eiern Honnes